

四庫全書

集部

欽定四庫全書

清江三孔集卷二十五

宋 孔平仲 撰

今體詩

雪意遽解

向晚黃雲天為低卷簾注目雪花飛誰知夜半陰晴別
皎皎庭前寒月輝

題老杜集

七月鷓鴣乃至此語言闕大復瑰奇直侔造物并包體
不作諸家細碎詩吏部徒能歎光燄翰林何敢望藩籬
讀罷還看有餘味令人心服是吾師

聞登萊大雪

聞說登萊雪一尺此中晴色更無雲安得北風從海上
滿天吹過玉紛紛

集于昌齡之舍

一醉昏昏萬不知黃昏促席夜深歸明朝惟見家人說

昨夜歸時雪滿衣

隨倅入京師答同列贈別

揮鞭西指鳳凰城
疎野之心無所營
預約牡丹花下酒
歸時節物近清明

途中口占

兩歲東州不自知
人情全在欲分餞
行連日侵銀燭
送別臨歧駐玉羈
望見蒙山思馬耳
路經沂水憶河淇
歸來定得從容否
寄語庭前紅藥枝

寄內

試說途中景方知別後心
行人日暮少風雪亂山深

省謁有日

捧檄欣然喜可知
輕裘淺鞵去如飛
親庭一別今三載
即得從容戲綵衣

不雨

雨意竟寥寂浮雲如湧泉
商羊空自舞霹靂謾加鞭
滬暑煩揮箠荒灣久住船
何時出污濁洗悶向清川

昔時

昔時過此心何如今時過此心何須回波為我將雙淚
送上三江轉五湖

詠蘆

地近長蘆蘆已深舟行兩岸蔚森森能藏蛇虺連山澗
強庇蛙蟄接水陰疑汝此中無勁節使吾終日隔遙岑
春風暑雨多情思霜霰崢嶸想不禁

郭公

枉渚潮初落平岡日又西
蘆叢深處泊惟有郭公啼

芙蓉堂

芙蓉堂下花如錦
記得當年此泊舟
今日重來皆蔓草
水紅無數強排秋

弄水亭

弄水垂吾手圓波觸石堤
夜深翻斗極秋霽把虹蜺
鳥泛閒相得烟生望稍迷
問源思杖策人指白雲西

趙屯寺

崎嶇自牛徑瀟灑得僧房壞壁題名滿幽軒背日涼澗
花時委地隣竹稍過墻歸路風猶緊垂楊作意狂

揚子道中寄陳君佐

別我如不忍念君方索居蕭然對松竹獨自理圖書擊
鉢詩無敵連環辯有餘驂騑志萬里那久困鹽車

曾合未云久笑言今苦賒山空愁夜鶴野濶沸春蛙雨
漲新波滿煙昏故壘遮輸君官守佚吟遍郡園花

天長道中

柔桑滿野麥成川晴色連陂雨在田
顧影寂寥誰與語
據鞍閒暇不妨眠塵勞可厭非今日
老大無堪異昔年
此去聊為上都客行當賃馬覓歸船

至盱眙作

郵亭繫馬日西斜却向盱眙望
白沙春色淡中唯有柳
曉風狂過已無花古人出處真難一
吾道窮通未可涯
白水黃梁不須具呼奴挈榼取流霞

寓目

枝上餘花脫盡紅
行人驅馬綠陰中
青春裁翦應辛苦
不奏東南一夜風

汴上行

芳草連坡掛柳綿
春風卷地落榆錢
時光解與行人別
若有離情應泫然

發青陽驛

悠悠驅馬汴河灣
幾處郵亭略解鞍
春盡榆錢堆狹路
曉陰花雨作輕寒
山川相背圖中畫
日月雙移板上丸

行役漸多身漸老詩題聊寄旅程難

發靈驛作

晨裝獨入古河堤杜宇無端向客啼昨夜東風吹猛雨
綠陰遮合不成泥

河亭獨酌寄林次中

沙岸朝來雨乍晴東風舒卷柳條輕消愁亦有旗亭酒
誰與當樽唱渭城

偶書

季子縣頭思越國
越王嘗膽望吳城
少年莫念紛華事
功業多從辛苦生

入亳州界

羸糧襍被望都門
路出符離日未醺
清汴橫飛天上浪
方塘穩鎖鏡中雲
淮南風物多相似
江上音書久不聞
寄語此山姑待我
莫因西去勒移文

濟陽作

曾浮輕舸下長江
依舊東風卷綠楊
往事山川空滿目

新年鬢鬢欲成霜
煙塵莽蒼隨長路
雲日蕭條隔舊鄉
膂力四方男子事
不須彈鋏苦悲傷

榆錢

鏤雪裁綃箇箇圓
日斜風定穩如穿
憑誰細與東君說
買住青春費幾錢

柳絮

風定漫漫雪不飛
忽然飄蕩幾時歸
瓊林金谷知多少
半入樓臺半拂衣

廢廟

靈宇何年置荒臺漸欲平丹青多泯滅苔蘚太分明棟
宇非難復威靈想不行長林相蔽翳惟有暮鴉鳴

雍丘驛作

京塵漠漠稍侵衣秣馬雍丘日未西驛舍蕭然無與語
遠墻閒覓故人題

寄蘇子由

歷下攀遊今幾年相逢顏鬢覺蒼然西齊美錦窺詩軸

北郭濃霞入酒船
別思忽隨春浩蕩
還期已過月團圓
君家早有為霖望
莫學隆中但穩眠

入陳留界

青青麥隴鳥相呼
淡淡長空尺靄無
驛道寬平人語好
共知明日到皇都

自雒丘取別路至陳留界較汴堤徑二十里

平生羞捷徑
到此尚狐疑
望斷澹臺路
登高賦所思

次韻偶書

自此至和子瞻西掖種竹詩皆先生少時作

淒風下殘葉疎雨滴黃昏山氣先冬冷江流入夜渾無
兵誅二鄙有策濟群元鬱鬱平生志憑誰薦一言

有感

末俗皆趨利貧心獨惡華葛衣冬已晏黍飯日將斜岳
重淵騫伍毫輕許史家浩然忘世慮書劍一生涯

喻意

楚天陰易久顏巷意何孤貧賤身雖困英雄膽未枯西
山縻虎足北海拔龍鬚一劍何時起功成泛五湖

秋夜偶書

擊劍悲歌涕滴胸
清時一向老英雄
白狼黑犬如相犯
願語南山矍鑠翁

贈王吉甫

項王戰敗恥歸東
仗劍南游寂寞中

吉甫去秋失鄉
舉後游學於外雨

雪蕭條千里暗
乾坤浩蕩一身窮
文章未屬清時用
議論徒多烈士風
四海望霖龍折角
為君悲絕訴蒼穹

生計算瓢少鬱陶
談經千古見秋毫
神驅筆下鋒銳俊

天縱胸中氣象豪，事業今朝心孔孟。功名他日踵蕭曹，
行行努力牽牛餌。北海波中釣巨鰲。

嗟予困羈旅，雨昏蕭寺中。客情隨日淡，詩思入秋雄。目
斷故鄉路，心飛黃葉風。文軒又將去，坐覺笑談空。

秋夕

月色清餘睡，寒霜入病軀。漏隨詩思急，燈伴客心孤。匣
鎖劍三尺，身沈天一隅。蛟龍困勺水，永夜憶江湖。

十月寒

初寒十月終凜烈若窮冬陰谷凍猛虎冰潭僵老龍霜
威刷六合雪影暗千峯孤客坐無火悲吟聽暮鐘

別介之

歸去白闕居山行百里餘腰藏三尺劍腹載五車書暮
雨添雲重秋風落翠疎此時別離興滴淚滿襟裾

談道亭睡覺而成

松竹晝陰環清風枕席間夢隨啼鳥散心伴白雲閑漁
艇歸前浦樵歌下遠山徘徊明月夜高興向忘還

呈介之

鐵面嶽巖鬼亦驚世間兒女敢相輕
文章自古傳周燮德行當時貴滅明
四海生靈雖帖泰兩邊豺虎尚縱橫
胸中久畜平戎策不日敷施報太平

呈介之求禮部唱和一閱

金紕相摩上玉堂南宮詩戰鎮相將
毫端寫出青春色窓下吟銷白晝長
辭艷迸開昆嶂火文章翻出鐵林鎗
愁中欲得神仙句更藉夫君不閉藏

夜坐舟中偶成

艤晚扁舟抱寒水
逍遙野客坐孤篷
一天星月清吟外
萬里江山極望中
遯迹未能離草莽
機心唯欲破羌戎
此心未遂難為語
負劍長吁氣滿空

送郭聖原歸廬陵

文章豪逸難為敵
格志孤高自出凡
兩歲論交重金石
今朝泣別倚松杉
滿江春碧圍仙棹
入曉風輕送錦帆
此去天涯皆獨立
寂寥相望隔溪巖

蹇叔以登亭有感示予因以答之

何處登臨可極觀
危軒隱在碧雲端
千年古樹少春態
一片江天帶暮寒
人似神仙君自好
心如鐵石我難干
花紅柳綠休多語
且把詩書仔細看

清明雨不果出

雷勢黑飛天馬陣
雨聲狂播鐵林鎗
清明節物都誰賞
寂寞無聊戀故鄉

和酬介之

筆刃詞鋒劍戟稠，千金明月暗相投。
君難已勇誇長嘴，我豕徒勞詫白頭。
清似愁中聞玉笛，美如饑後噉蘭羞。
伯牙未老鍾期在，再寫孤音漫繼酬。

書齋獨坐有懷

孤燭夜自明，四壁冷無聲。
欹枕清無寐，思時憤不平。
林

呈介之

古柏青黃苦暗凋，怪松千尺老嶢峣。
詞源浩浩聲連海。

筆力衝衝氣逼霄賈賦任雄難作敵杜詩雖健亦相饒
英豪自古非塵物他日莪冠立漢朝

登談道亭

為厭紅塵觸目生與君攜手上幽亭波光碎碧瑠璃地
竹影疎青翡翠屏雲惹閑心歸遠岫風吹詩思入滄溟
名機利械都忘去才得人間醉一醒

和介之

井邑喧囂不忍行捲簾終日愛江亭竹聲滿耳蕭蕭雨

山色撲簷曲曲屏連夜劍光摩北斗幾時鵬翼起南溟
與君分義尤相合有酒頻來此醉醒

別館春

別館無人迹春歸空綠蕪落花深不掃啼鳥靜相呼坐
想龍山景方淹瘴海隅幾因北窓卧一夢到西湖

清夜

夜久景逾清行吟到小亭梨花帶明月銀漢淡疎星渡
水漁歌遠巡山鬼火青此時塵慮息豁若醉初醒

中夜口占

晴漢疑收練陰雲忽湧濤山空鬼聚嘯月黑虎長號露
偈睡魔走風飄詩膽豪靜中余所樂六印一鴻毛

求言

人多護所短孰肯告之言不自聰明廣何由道義尊知
非君子趣文過鄙夫存安得同心友相攀至聖門

口號

今日朱顏客明朝白髮人莫教行樂晚須惜少年春

西軒偶書

瀟灑無俗韻登臨紆遠情吟題紅葉滿卧看白雲生山
色差屏翠溪流瀉鏡明優游此終日其樂勝公卿

寬恤民力

天地清明日君臣際會秋雷霆大號徧雨雪湛息流士
卒休羣戍耕桑勸九州中邦節賜予下吏省誅求物繼
由唐詠民喧擊壤謳泰寧堪坐致寬恤此良謀戶曉為
今失官詢校古羞愚言惟聖擇神斷戒優游

覽鏡

拂拭菱花試一臨貌隨年改歎光陰朱顏慘淡塵埃滿
白髮蕭疎瘴霧侵自笑腐唇因苦學誰知瘦骨為愁吟
平生履行無人識嗟爾頑銅豈照心

偶書

經歲留南戍頻時思故邦青山又薄暮斜日滿西窗遣
憤詩千首述愁酒百缸何緣幸免去歸棹破長江

近乾元節方教樂而雨

半月新調樂府班佳期今近迫陰顏歌喉斷續微風外
舞隊差池細雨間坐賞賓朋愁不解來遊士女半皆還
人心共望晴明景嗟爾乖龍獨阻艱

城樓晚眺

華閣倚青空凭欄嘯遠風溪光梅雨後山影夕陽中細
草傷心綠餘霞照面紅此身歸計未容棹自西東

余得文竹寸餘上有仙翁神女像相偶而坐異之

作詩

千載皇英恨未平
淚沾湘竹錦文成
我收寸管尤瑰異
上有羣仙無姓名
乍見偶同神女夢
靜看獨認赤松迎
世間此物真難滯
它日相從上太清

即事

久病情懷已索然
况當景氣似秋天
書窓靜滴芭蕉雨
吟砌輕籠薜荔烟
雲結繁陰低遠岫
風排白浪滿平川
多愁無計堪消遣
斗酒澆成一覺眠

陶侃

卷二十一
五
梭作龍飛應自喜指將針決欲何求賴君作覺登天夢
不爾王敦一輩流

扶蘇

天下精兵掌握間便宜長嘯入秦關奈何伏劍區區死
不辨書從趙李奸

屈平

進居卿相謀何拙退卧林泉道未降堪笑先生不知命
褊心一斥便沈江

平津侯

待士聲名畫餅虛天資多忌與人疎未聞東閣升賢者
已見膠西置仲舒

和人見贈

少年有志慕軻雄十載潛心黃卷中富貴未來嗟命蹇
文章多妙嘆童蒙駑材尚藉鞭驅力頑璞須資刻琢功
誘掖相成期在子可慚詩詠枉清風

王秀才謀歸作詩留之

相邀盃飯與盤蔬坐偶行從半歲餘夜倚松窗詠風月
畫揮玉麈講詩書論交切切初謀協告別忽忽晚意踈
須亮主人攀惜甚挽回歸袖欲投車

戲呈葉秘校求薔薇栽

今歲花開應笑君對花都不召嘉賓東隣乞種歸封植
我欲自為花主人

葉晦之送薔薇栽仍貽詩因以韻和

曾約種花為主人花開猶在隔年春只應未賞君先去

自是芙蓉幕下賓

君有廉
從事倅

秋晚懷晦之

宿鳥窺簷日漸昏徘徊顧視少埃氛高槐結陣鳴秋雨
疊嶂爭豪出暝雲愁病贖岼誰省我笑談磊落獨憐君
遙思靜坐西窻下只與何人治典墳

晦之病酒因書以戒之

本為情沈飲翻成病染身今朝高枕處應羨獨醒人

月夕待人不至

故人相約一訪我東望不至心躊躇清風滿袖月千里
此處苦吟誰和予

偶書

羈旅淹南戍栖遲繞塞垣海氛朝自暗山氣晝常昏
穴風來毒蠱溪水出渾故鄉方遠想斜日更啼猿

寄中淵

我行君在家南北各天涯恨別三秋久悲思萬里賒歸
心瀧浪急遠目嶺雲遮相見何時再青山日又斜

十月梨花

皓質輕盈粉乍勻
小園初放一枝新
意嫌開在梅花後
先吐香心不待春

重到山寺

人迹少到此上扉
長悄然空庭但噪
雀古木自生烟鼠
拱頽墻穴蝸交腐
棟涎登臨未窮覽
斜影促歸鞭

介之惠詩言斥於禮部欲自此高退山園且招予
游故答此章

角藝詞場欲進身混然誰辨玉并珉無常勝負如六博
不幸沈浮知幾人君已自甘龍退蟄我猶有待蠖求伸
未腰相印男兒恥他日功成方卜隣

寓目

雲慘天如褐山橫日易昏寒鴉啼古木飢雀噪空園紅
葉風飄勢蒼苔雨滴痕行吟有清興寂寞與誰論

歲暮作

目極天地曠心淒原野荒高梧脫葉瘦凍雀抱枝僵松

柏凌寒在鵬鴻得意翔平時豈相混此日辨風霜

冬晚懷介之

竄迹南遊歲再侵思歸望遠久沈吟風敲古木寒聲碎
雲擁江天暝色深飲可滌愁誰伴醉詩從寫恨少知音
想君笑語如飢渴何日相逢慰此心

偶書

窮骨支離甚危腸感激多人生易日月世路苦風波素
志償猶未朱顏幾何不如都棄置對酒且高歌

春陰

慘淡春陰久蕭條客望中愁雲抱孤嶺密雨暗長空
草色萋已綠花開枝半紅何時見晴景攜酒趁東風

寒食宴北山席上

駘蕩禁煙節相隨上北峯雨餘澄遠水風細韻長松
柳影搖歌席花香入酒鍾南州富閒暇行樂且從容

春歸

春到強娛樂春歸心寂然夕陽芳草地梅雨落花天
梁

古獨調燕林聲漸噪蟬朱顏隨物改誰與駐流年

晦之厭州縣之勞作詩奉勉

踈足驂騑鍛羽鴻似君今日歎途窮濯纓空有滄浪志
斂板猶趨塵土中論議最宜陪鳳沼文章獨可直鰲宮
暫時淹郵寧非命得失須觀塞上翁

旦夕北歸徵晦之詩為別

殊邦會遇喜親依聚散參差志願違君屈清才尚南戍
我隨流水欲東歸沈吟晚日愁堪掬顧盼江雲淚滿衣

冀得佳篇慰離苦且令行色有餘輝

回王秀才二賦

郭璞長江宋玉風君才可與角豪雄織成故典文之巧
琢就新詞學者工昔日貌觀輕子羽今朝穎出喜毛公
頻煩教我勤多矣疏決蒙泉使向東

族人春飯

柳榭陰陰春半時相邀閒暇賞芳菲家人共酌榴花酒
蠻妓爭歌金縷衣火焰高低紅躑躅繡龍濃淡小薔薇

此中莫惜長歡醉自古人生七十稀

雲

白雲高潔倚愁空本謂無心與我同奈何一夕陽風發
吹到巫山十二峯

自和喻意四首

寒夜風雨細陰房燈火孤一身無羽翼萬事有榮枯壯
志斷鼇足雄謀編虎鬚蛟龍困尺水夢想在江湖

青山望不極落日意偏孤生計一瓢足秋風雙鬢枯願

子蘭紉佩笑子帛纏鬚別有相同處胸中萬頃湖

千里聲相應平生德不孤豹文方霧隱松節豈霜枯壯

志橫磨劍衰顏早照鬚莫同魚鳥態忘我向江湖

好靜心常爽憑高興愈孤山雲長掩翠原火漸焚枯雨

竹雙妃淚霜松四皓鬚猶嫌望中隘思泛洞庭湖

夏夜書事

空庭愁寂一蟬鳴齋閣陰陰夏簟清鳥背送回殘照去

林梢看得晚涼生歸鴉映水綰紛黑斜月穿簾點滴明

一夜渴心不得曉
唯聽深井轆轤聲


和子瞻西掖種竹二首

西垣種竹滿庭隅
正值天街小雨初
漸近涼風侵夢覺
已留清露滴吟餘
卜隣近喜蒼苔滿
託迹方驚上苑疎
昨夜青藜光照席
綠陰相對小除書

此君安可一朝無
請看西園種竹初
嶰谷正當吹鳳後
葛陂猶是化龍餘
風搖夢枕秋聲碎
月滿吟窓夜影疎
他日如封管城子
莫嫌老秃不中書

題女媧山女媧廟

攬轡金房道崎嶇難具陳浮嵐長作雨冷氣不知春少
見寬平野多逢臃腫民欲知來處遠巫峽是西隣
突兀隘空虛他山總不如君看路傍石盡是補天餘



欽定四庫全書

集部

清江三孔集卷二十六

七六

詳校官中書_臣張經田

助教_臣常循履勛

總校官知縣_臣楊懋珩

校對官助教_臣蔡鎮

謄錄監生_臣何照隣

欽定四庫全書

清江三孔集卷二十六

宋 孔平仲 撰

詩戲

和蕭十六人名

贛江淹泊嗟旅滯子夜蕭蕭復無睡鄉程千里斷書來
律管仲冬迎日至空山屈曲環高塔與子游嬉同眺視
日沈北陸雲冥冥晚景丹楓照川渌蘭房鳳枕可自娛

桃李尋春舊遊地便將躍馬超然往向人直不疑心事
嬋娟一笑應奉留醉倚王孫寶釵墜更持大白起祝君
偕老子須堅此志

式微子歎歸期滯疎鍾皓月僧牕睡滿郭丹楓已送秋
李白桃紅春又至綠楊朱戶鎖娉婷燕趙一笑誰相視
紅顏回盼能溺人有若大川無際涘吾曹操行薄雲天
去險就平當擇地嚴君平昔教諸子肯向贛江為此事
勿損仁義縱歡娛力與主張興廢墜不才強使酬杜詩

搦管寧能言鄙志

贛陽嶠北氣鬱滯晨興何晏惟昏睡江左雄豪每自奇
學孟希韓非不至奈何進取位尚卑上官儀檢多輕視
金朱浮華奚足戀策馬周遊窮海涘從茲岩谷永遁逃
請師丹竈捐塵事廬山簡寂尋舊隱雪竇參禪初入地
誰能榮謝混流俗居常袞袞隨升墜鋪張翰墨作小詩
聊陳平昔煙霞志

為憐城郭太留滯知子思家方悶睡故停車馬良久住

金史卷之八十三
卷二十六
相顧雍容情益至樓高適意同一登目極四周堪遠視
野田曠望繞天涯梅朶開齊映江渌冬溫庭筠尚抽筍
僧房喬木陰鋪地丘樊嘉遁素有心蕭蕭思話山中事
清揚俊邁君自許魯國淵源吾不墜與君詩戰奈何休
抑揚雄思聊書志

丘樊英俊君猶滯掩卷無言偃然睡江左思歸未得歸
家鄉百里奚由至有樓望遠最舒曠躡屐徐登極臨視
雲容弄白起危巔霞氣如朱浮淺渌侵梁松影側窺簷

飄徑柳芳深
委地諦法真空佛
有靈面顏安樂僧
無事
風搖柏直力相爭
霜壓橘黃香欲墜
夕陽城郭人漸稀
疎鐘傳響催歸志

為文愛子都無滯
疾讀數張堪醒睡
唱高郢曲詞調古
銳比干將才力至
主張衡鑑付誰人
奈何並不蒙收視
吾王尊儒跨古始
有宋登科連海涘
况君當時苗裔遠
鄰侯喜且興門地
少年自許升青雲
衰謝安知未成事
栖栖孔孟嘗如此
吾曹節操無顛墜
願言雅度尚自寬

時來濟物當如志

方逢原借示方干先生詩以集句詩贈之

裁霞曳繡一篇篇要見功夫在筆端
心恐借留中不遂尋常未便借人看

潛夫自有孤雲侶蟾蜍影裏清吟苦
澄心不出風騷外援筆便成鸚鵡賦

醉醒多在釣魚磯越國雲溪秀發時
只用篇章為教化聲聲可作後人師

援筆皆成出世文，坐看孤峭却勞神。
直須分付丹青手，緬想應無前後人。

遠壑度年如晦暝，澄潭到底不容塵。
公卿若更遺名姓，甘棹漁舟下釣綸。

戲張天覺

皆用張姓

踔躒英才比孟陽，合排三戟坐朝堂。
鱸魚莫憶江東鱠，竹葉聊煎仲景湯。
屢選青錢文足羨，嘗乘白馬諫何強。
知君每厲霜崖操，未怕朱雲請尚方。

當路埋輪氣慨慷，身長九尺貌堂堂。
高吟當似封侯祐，巧詆寧同小吏湯。
幽閣畫眉多窈窕，華巔飲酒自康強。
知君博物饒才思，近試家傳辟穀方。

八音詩呈諸公

金罍美酒斗十千，石榴花開牕戶前。
絲琴萬事何足言，竹溪六逸方醉眠。
匏瓜繫焉雖不久，土風堪美入皆賢。
革易睽散心惘然，木在高山魚逐泉。

再賦

金房此去路幾十石瀨齒齒秋風前絲侵兩鬢老不言
竹實已空飢鳳眠匏笙吹作別離曲土壤漸異思諸賢
革履練服何蕭然木陰緩步尋雙泉

和天覺錢朝散席上餘興之作

金輪演法教大千石沙蒸飯戒在前絲挂千鈞危何言
竹映南牕猶可眠匏箠絃索莫妄想土視粉黛寧非賢
革面匪誠君豈然木強我只思林泉

和天覺贈仲光

金聲玉振辨服千石稜蝟磔奮無前絲亂獲理賴正言
竹有特操非芋眠匏羹淡薄菹醢貴土鼓擯棄淫哇賢
革去浮偽真慨然木缺秀風携毀泉

奉使京西呈諸公

金科備使提三千石馬泥牛鞭不前絲麻民足吾何言
竹舉山行秋雨眠匏黃芋紫漢上缺土人當有龐葛賢
革車戰艦今不然木杪鳳栖龍戲泉

寶劍一首贈天覺

金裝寶劍值萬千石上橫磨太古前
絲絢消爛那復言
竹杖未化蛟龍眠
匏裁斲切隨所用
土拭當有張雷賢
革室夜鏢聲鏗然
木刃誰與淬寒泉

和天覺

金章玉佩動百千
石火光中風秋前
絲鞭秋槿笑不言
竹下有人想待眠
匏身落蒂終腐爛
土壁繪像誰愚賢
革貪懲躁心泰然
木食草衣行飲泉

平上去入四首寄豫章舊同官

欽定四庫全書

清江三孔集
卷二十六

六

思君何時休
川長波悠悠
棊枰今生塵
詩筒誰相訓
諸公皆才豪
吾衰慙非儔
猶當陪從容
重游東湖舟
鍾陵朋寮中
我鄙且蹇淺
諸公無緇磷
許我以繾綣
難題詩交鋒
小戶酒減盞
荒林今誰同
引領迤邐遠
鏗鏘非金絲
唱和旦至暮
予頑居其間
鄭衛廁大濩
濛濛波中遇
興自綴句猶
承諸公餘膏
潤譬霧露
相從雖須臾
博約實得益
交情何其深
弗易若竹柏
煙迷青楓林
日落白石壁
船隱居無聊
嘿嘿獨憶昔

寄江西舊同寮

為詩摘奇詞
美矣似藹藜
而思衰遲
資揣已恥
比擬卑
萎疲追隨
此鄙彼綺靡
差池誰知之
迤邐上梓里
移時池之涯
或息石壁側
詩嬉誰為雌
奕劇白敵黑
追馳麾罷羸
力擊劃霹靂
羈離彌思維
閨寂益憶昔

還鄉展省道中作四聲詩寄豫章寮友

蕭灘波潺湲
巴丘山崔嵬
江天如相迎
風吹浮雲開
思鄉人皆然
惟予頻歸來
松楸稱青鮮
春容生泉臺

欽定四庫全書

清江三孔集
卷二十六

七

久雨水陡長
泱泱似海廣
葦底解小艇
曉起蕩兩漿
早飯野篠下
鳥語靜愈響
曾有酒我不飲
引領但子想
四際又暮夜
意詣尚未到
繫纜坐樹蔭
嗚嗚厭聚噪
徑步氣向暝
岸嘯韻自報
內顧自慰幸
比歲屢拜掃
執熱逼入伏
一葉益局促
日落月欲出
豁若脫桎梏
木色鬱碧幄
竹節削綠玉
赤脚踏白石
宿泊得沐浴

寄江西同官

以下
藏頭

心欲從容且再朞
月餘聚散忽參差
工於酬唱皆詞客

各有輸贏屢奕碁木蔭坐時班細草早涼行處折紅葵
天涯回首思高會日落煙昏今自悲

呈魏道輔

今夕清寒轉不禁小窻積雪氣蕭森林迎新歲花爭出
山背殘陽影半尋寸步故人猶隔面回陽孤館想來音
日期笑語歡相慰心亦須君續斷琴

呈張子平

玉駱聲華星斗旁方州投老憩甘棠木逃剪伐枝長碧

石耐鐫磨性有常巾褚藏經勤問學子孫傳業富文章
十年流落歸何暮日聽除書侍玉皇

因來詩有題橋之句呈陸農師

土壅沙培種海棠木陰池徑要深藏臧文竊位人多笑
犬子題橋君未忘心嗜黃柑聊小擘手拈紅葉又成章

早鶯歸燕催時節即泛金英醉菊堂

鄧有菊堂

口吐絲綸一代英
央央旌旆發神京
小堂且作蕃宣守
寸晷昔聞絃誦聲
耳白于顏君有譽
言藏之默我無營

呂溪傳野何須出山野
嬾人問姓名

千里謳謠威惠全
王庭斬柳勢騰騫
馬遷汗簡才無輩
車胤螢囊學自然
火急定聞中禁召
口傳仍有貴璫宣
亘天絃管須頻會
日煖花開草更芊

呈陸農師

比玉文章素出羣
羊公仁政載前言
口談典冊開聾瞽
目想煙霄役夢魂
鬼谷縱橫非世寶
貝多浮蠹逐時昏
日期儒術恢明主
王業光華燕後昆

同飲東洲俱醉容
谷鶩應笑卧花叢
取交莫逆情相答
合宴多歡酒屢空
工欲代天君素志
心將浮海我家風
虫魚草木吟何苦
古錦囊封寄逸筒

丁公松腹夢多靈
巫峽聞猿莫涕零
令德豈宜居茂舍
吉人終見作台星
生嫌鷹隼虛張翼
共喜芝蘭暗有馨
香菊一尊歌數叠
且須頻醉竹間亭

用舍隨時未是窮
躬耕何必返耕農
辰惟去速須行樂
木為非材尚見容
口誦雅言披陸簡
聞聞新語繼華宗

小棠幽鳥依蕃府付與花洲作附庸

果下名駒踏路莎沙堤隨小未相多夕天返照搖珠璧
玉宇微風蕩綺羅維棹水邊舟不正止車門外轂相摩
手牽露蘂真清旦一樣新翻蜀錦窠

寄何君表

龍章寶篆閱天宮呂鈞伊耕甫降嵩高義當為神所勞
力行寧顧命之窮躬親庶政賢方急心志斯民髮未童
里俗莫輕尼父厄已聞名字在紗籠

寄方逢原

我行求友要漸磨石確金堅所得多夕倦未眠排奕勢
力窮猶戰敵詩魔鬼神福善安無窘君知名直靡佗
匕箸借前陳策畫一朝登用即魏莪

寄張天覺

手弄毛錐擲釣蓑衰年遠使尚婆娑女緣被妬多閨怨
心欲安禪學鳥窠果有壯圖希劍履復何高論隱松蘿
維摩弟子張天覺見說平生事揣摩

寄黃仲光

早識江西黃仲光兀然相對鬚毛蒼口陳仁義何明白
曰欲經綸孰抵當田老謳吟知盛德心交隔濶想餘芳
方今天子求才藝云有鋒車降寵章

寄向公美君

田竇當時亦后家豕貪羊狠事空花化行今日皆謙愿
心吉夫君少等差工作隸書無小草早分恩賜只團茶
木盤宴饌皆心廣黃雀親來粟滿畬

寄張江洲

干盡公卿冷眼看，目懸霄漢望鴛鴦。
旗付治期當審，番玉求田計想完。
元帥昔時幾跋扈，邑君何日得平安。
女年已長榮親養，食祿翻思把釣竿。

寄呂汝州

兀坐東齋讀老莊，壯夫今已厭雕章。
早吞灑氣清無夢，夕倚薰爐暖有香。
日射澄波縈暮島，山排紅葉照秋霜。
相思時玩囊中墨，土室寒居幸借光。

近承
惠墨

寄張解州

鄧州軍馬多
自陝西戍邊

車轆輕雷會鄂君口朱當在結慙懃心迷雲雨回歌扇
羽散鸞皇轉舞帚巾墊香醪方取樂木飄霜葉忽離群
羊毫寫字無魚寄可問南歸有戍軍

寄王滑州

至意須同陳與雷田家老瓦媿雲壘缶非可擊叅韶樂
木肯垂陰庇野苔台輔雍容君有量里閭寒賤我如灰
火龕對坐年華宴安得西飛到滑臺

寄賈宣州

高會當年喜得曾日陪宴衍自忘勞力回天地君應憇
心狹乾坤我尚豪豕亥論書非素學子孫干祿有東臯
十年求友相知寡分付長松蔭短蒿

詠高

先以下為基終當保不危泰山雄地鎮北斗正天維敏
手誇能賦忠言願聽卑百常登觀闕九仞揭旌旗木有
遷駕集墉惟射隼宜舉家何氏隱雙下李悝槌大比揚

雄好長同巽卦為巍然望堯帝卓爾仰宣尼羊肆猶陳
義皇墳或媿詞變更驚岸谷豐稔閱京坻醉枕日三丈
詞場桂一枝金城橫絕險龍馬出權奇已著名僧傳仍
先國手棊張弓聊仰爾封岱更增之郢曲故難扣牙琴
誰復知梗杓凌遠壑鴻鵠漾晴曦漢祖興邦日商宗享
國時設科求德邵巡狩問年耆容駟開門戶摩霄展羽
儀形容上麟閣勳闕照鰲碑密勿雲臺議揄揚崧嶽詩
巖巖具瞻峻那復嘆隆墀

詠大

觀水宣尼志歌風漢祖篇鵬搏九萬里椿壽八千年老
子能談道唐堯亦法天旅葵宜自戒魏瓠不勝堅西域
瓜如斛東京粟比拳周蒿芟作柱舜竹截為船魯語譏
居蔡邠詩詠獻舛雷聲當擬聖人跡謾疑仙寶訓書傳
百真乘界說千弓聞陽虎竊鼎自郟城遷馮異依喬木
劉公受一錢小鮮無撓國多稼最宜田骨有專車異珠
求徑寸圓瀾垂驚壑益電下駭杯棖船泛銀山浪琴操

急雨絃愁時心繆繆卧處腹便便公罷三名府官防五
在邊從容隱朝市指顧奠山川已識古今體且知天地
全介圭催入覲夏屋示優賢金印懸如斗神毫運若椽
安榮可長享儒效照青編

新作西庵將及春景戲成兩詩請李思中節推同

賦

以下
藥名

鄙性常山野尤甘草舍中鉤簾陰卷柏障壁坐防風客
土依雲竇流泉架木通行當歸老去已逼白頭翁

昨葉何搖落今逢淑景天山椒紅杏火岩石綠苔煙爐
火沉香燼琴絲續斷絃忍冬已徹骨衰白及長年

再賦

楚澤蘭紉佩蒙泉水洗心荷鋤通草徑戴笠鉤藤陰欲
蚤休陳事須甘遂陸沈謾呈詩藁本李杜若知音
鬱鬱金舒柳青青黛染槐繁陰庭側柏碎綠井中苔雨
漏蘆簷破風薰草意回陟釐題短句自洗筆頭灰

再賦

凍地榆抽笋寒山藥長苗老翁鬚自白積雪草方夭折
桂心安在屠龍膽已消花前胡不醉排悶合歡謠

此地龍舒國池隍戰血餘木香多是橘石乳最宜魚古
瓦松杉冷旱天麻麥疎題詩雲母紙牋膩粉難書

舒州
多柚

橘石井出石
鱖鮫甚珍

再賦

百草霜雪死半天河漢斜竹含輕紫粉梅發淡紅花醮
甲香醪醎搔頭垢髮華北亭歡宴罷燈燭夜明沙

官舍
有紫

竹紅
梅

起自然銅鼎烹茶滴乳香
深冬灰正冷新臘雪須當
我意空青眼君才貫衆長
唱酬幾百合衰白荷相忘

送李思中服闋入京

久客烏頭白家無石斛儲
諳尋小草木心合大空虛
已耐冬寒過新知母服除
銅青即金紫無患子窮居

酬惠詩

屢得真珠玉天葩蘭麝香
書燈心最苦坐石膽應涼
松

桂枝柯老蛟龍骨骼長急追無已關請附子餘光

離合轉韻寄常父

舒州寄官舍舍在潛峯下密邇豫章城山川無十程音
書常絡繹日日通消息况復多唱酬兄墳弟筭笛秋風
鳴竹林火退避新金帳望南來雁長年空此心

又一首寄孫虢州

鰕鮑飲石乳魚中最温補字畫尚茫然何由食鮮闕

漆林自小足水繞庵前竹君性本清高伊人又閒熟三

堂秋際餘一枕夢回初斤斧却無事新詩或起予

藥名離合四時四首

草滿南園綠青青復間紅花開不擇地錦繡徑相通
漿寒飲一石蜜液和巖桂心渴望天南星河燦垂地
參旗挂疎木通夕涼如水銀漢耿半天河橋暝煙紫
雪片擁頰垣衣裘冷於甲香醪不滿榼藤枕欹殘臘

藥名離合寄孫虢州

孫八遠在號丹霞絢崔蒼耳目雖清遠志願多參商陸

沉衆人中白首滯鉛黃者英紹前列當復佐興王
朴也纔通貫衆安無吠狗杞菊飯家常山前消晝漏蘆
雁來蔽空青眼思朋舊歷日驚晚景天涯情更厚

清江三孔集卷二十六

欽定四庫全書

清江三孔集卷二十七

宋 孔平仲 撰

詩戲

十三日南湖之集賓主六人謹成詩十韻拜呈

律筦秋灰動銖衣暑服輕居官半舜牧環坐列周卿攬
轡湖邊集談經席上傾逸交希李白竒策擬陳平博奕
休言戲韜鈴且議兵續箋詩義白重演卦爻成午日停

龍馭西風駐鷁程
弓鈞寒力壯天暮
霽華明綠野接鄉
遂良辰推甲庚浴
沂人已散終日夢
魂清

再吟六詩四首拜呈

摩天皆勁翮對壘盡雄詩
漢士增三傑唐儒益二夔
素修同德行良會展尊彝
恥佩蘇秦印聞吟谷永詩
郡條頒美政邦典守新規
暗換陰陽氣平分晝夜時
南朝餘草樹戰國舊城池
弱跪霜前蟹竒眸水底龜
風標觀畫鶴禍福中靈基
尼父談諸蔽尤當謹禮儀

累日欲修禮今茲清飲陪

飲用

六清位分乾卦畫人比晉卿

才宗廟精禋近侯邦舞羽來光華連七壁符采綴三台

儀鳳須論德良弓自有材雄銍皆帝劍

衛瑄先帝賜臣劍六

直節

倍公槐吏計無先善人情且去哀箴思丹宸補

李德裕丹宸六

箴彩喜碧油回穆若親朋會欣然肺腑開馳蛟參駿軌

楚詞馳六蛟兮上徑朽馭愧駑駘

侯服安無事官曹靜不譁疇非信善友

孟子六

等俱是孝廉

家

汝南六孝廉

荀袞傳榮耀

荀氏家傳袞衣睇睇六葉

溫龍競爪牙

溫羨兄弟

六人號

尺輿思附鳳

六尺輿

角扇笑縈蛇

王羲之題

士習

賢科論人趨太守衙莊衢當自騁陳藥更誰誇和露餐

荷葉

法慶朝進荷葉六枝

臨流飲雪花草萊依瑞穗

導一並六穗於庖

荆

布綴明珂且固官庭守寧憂柄用賒它時搖玉佩

上元夫人

六玉之佩 鰲禁定聯華

龍笛霜號竅

笛六孔

熊旗露綴旂

熊旗六旂

追歡品加豆

楚子享鄭

加邊豆六品

偷暇日要囚

要囚五日六日

周冕英才集

周禮六冕

商瑚瑞

氣浮

商之六瑚

金葢書屢講

金版六葢

蓬矢志須酌

蓬矢六天

草樹催文

仙島風煙半玉樓
畫圖觀隰駁果實採沅榴

宋書武陵臨沅獻安

石榴一實通貴人無恙

賈誼六七貴人無恙

承平府孔修官非劍外

久峻策六經劍外課比茂陵優

蕭首茂陵課第六

時變休成論

王通作時變論

六篇皇明已照幽

皇明燭幽又光照六幽

責躬無復事

六市自責

嘉穀藹

高秋六穀

十畫農謠一首

春雨津浹洽秋苗香苾芬
京坻看便是完固促修因

惜別一首呈陸亨儒十畫

恬和効春律芳茂若秋松
盃畢花枝放吳俾俳笑空

九畫一首

坦直吾所知良彥君長者村邦柱缺美丞府依爐冶弗

忘念夙昔吟奕同爰舍

八畫一首

牧守有民杜佳言多告余金芝先出谷奔召戒征車

七畫一首

子弓仲尼後老作外州行丹穴屯戎伍朱衣走吏兵

十畫四言

亨倅沉俗泥虬卧虹星君促面省座班封修治平克茂
果有昌宗恥於便倅宜効孤忠

寄孫元忠

俱集
杜句

君不見瀟湘之山衡山高八月秋高風怒號草木黃落
龍正蟄哀鴻獨叫求其曹男兒生無所成頭皓白漂零
已是滄浪客呼兒覓紙一題詩此心炯炯君應識

抱病江天白首郎秋風此日睠衣裳看我形容已枯槁

金匱要略卷之二十七
此豈有意仍騰驤一官羈絆實藏身富貴於我如浮雲
致君堯舜付公等幾時高義排金門

嗚呼古人已糞土紛紛輕薄何須數當面輸心背面笑
翻手作雲覆手雨感君意氣無所惜於我見子真顏色
人生會合不可常昔者相遇今不得

不恨我衰子貴時經濟實藉英雄姿君有長材不貧賤
莫令斬斷青雲梯驂騑作駒已汗血坐省千里當霜蹄
省郎京尹必俯拾軍符侯印取豈遲

歲云暮矣多北風
瀟湘洞庭虛映空
中有雲氣隨飛龍
黃鵠高于五尺童
殊方日落玄猿哭
蕪沒瀟岸千株菊
少壯幾時奈老何
喧呼且覆杯中渌

老去悲秋強自寬
衰顏欲付紫金丹
坐卧只多少行立
豈可久在王侯間
與君相逢未恨晚
他日更僕語不淺
瀟湘水國傍龜鼉
吏情更覺滄洲遠

雄姿逸態何嶮嶮
自是君身有仙骨
彩服日向庭幃趨
百年未見歡娛畢
拖玉腰金致主身
起居八座太夫人

爾家最近魁三象文米風流今尚存

思君須向古人求夙昔一逢無此流文章有神交有道
名位豈肯早微休個儻權竒難具論鷺鳥舉翮連青雲
無路從容陪笑語使人歎恨傷精魂

故人情誼晚難似神傾意豁真佳士可憐懷抱向人盡
再爲後會知何地老大徒傷未拂衣白頭吟望苦低垂
魚龍寂寞秋江冷不見湘妃鼓瑟時

獨立縹緲之飛樓更有澄江銷客愁無邊落木蕭蕭下

萬里風煙接素秋
天青小城搥練急
漁翁瞑踏孤舟立
嫩葉濃花滿目
斑臨風三嗅馨香泣

玉几由來天北極
雲近蓬萊常五色
五更三點入鵝行
朝回君是同舍客
豈意出守江城居
此身已媿須人扶
青眼高歌望吾子
早據要路豈捐軀

秋風歛吸吹南國
天地黥慘忽異色
江石決裂青楓摧
波漂菰米沉雲黑
儒術於我何有哉
口雖吟咏心中哀
隱居欲就廬山遠
黃帽青鞋歸去來

秋水浮階溜決渠啼猿僻在楚山隅
白沙翠竹江村暮
斗酒新詩終日疎
男兒生不成名身已老
但話夙昔傷
懷抱客至從嗔不出迎
逢迎少壯非吾道

自斷此生休問天
焉能終日心拳拳
人生幾何春已夏
况我與子非壯年
東流江水西飛燕
可惜刻漏隨更箭
細推物理須行樂
只願無事長相見

小臣魯鈍無所能
况乃疎頑臨事拙
今幸樂國養微軀
主恩前後三持節
未有涓埃答聖朝
却教江漢客魂銷

雲白山青千萬里，便應黃髮老漁樵。

秋風蕭蕭露泥泥，美人娟娟隔秋水。
揚眉結義黃金臺，欲向何門跋朱履。
案頭乾死讀書螢，遮莫鄰雞下五更。
老夫卧穩朝慵起，肯信吾兼吏隱名。

注目寒江倚山閣，碧瓦朱甍照城郭。
雲物不殊鄉國異，形勝有餘風土惡。
堦面青苔老更生，况乃秋後轉多蠅。
巫山不見廬山遠，悵望秋天虛翠屏。

隱几蕭條戴鶻冠，強移栖息一枝安。
重陽獨酌盃中酒。

金少川集卷二十七
醉把茱萸子細看羞見黃花無數新當令美味入吾唇
久拚野鶴如霜鬢何用浮名絆此身

高棟層軒已自涼青楓葉赤天雨霜自公多暇迎參伍
行酒賦詩殊未央共指西日不相貸萬事盡付形骸外
自笑狂夫老更狂詩酒尚堪驅使在

搖落深知宋玉悲東流之外西日微寒衣處處催刀尺
誰家搗練風淒淒籬邊老却陶潛菊前飛禿鷲後鴻鵠
安得送我置汝旁悵望聊歌紫芝曲

秋風淅淅吹我衣
日日江樓坐翠微
江光隱見龜鼉窟
水鳥啣魚來去飛
菱葉荷花淨如拭
清簟疎簾看奕碁
雷聲忽送千峯雨
波濤萬頃堆琉璃

草閣柴扉星散居
遠開山岳散江湖
蒼苔濁酒林中靜
丹橘黃柑此地無
洞庭揚波江漢回
願吹野水添金杯
巢燕養雛渾去盡
鄰雞還過短牆來

秋來相顧尚飄蓬
兼泛滄浪學釣翁
鐘鼎山林各天性
知君才是濟川功
萬里寒空只一日
會是排風有毛質

攀龍附鳳勢莫當莫度清秋吟蟋蟀

諸公衮衮登臺省後來况接才華盛天涯風俗自相親
歲暮陰陽催短景江風颯颯亂帆秋天入滄浪一釣舟
愁極本憑詩遣興朔雲寒菊倍離憂

秋水才深四五尺風燈照夜欲三更千崖無人萬壑靜
新月猶懸雙杵鳴衰顏動覓藜床坐仰看明星當空大
請君一來開我愁南浮早鼓瀟湘柂

可憐爲人好心事今我能書數字至人生會面難再得

安得如鳥有羽翅日暮聊為梁父吟
非子誰復見幽心
入懷本倚崑山玉許身媿比雙南金

腐儒衰晚謬通籍齒牙欲落真可惜
滄浪水深青冥濶
山鬼幽憂雪霜逼老去新知見面稀
被褐短窄鬢如絲
秋天漠漠向昏黑獨立蒼茫自詠詩

江上形容吾獨老百壺且試開懷抱
妙舞逶迤夜未休
多情依舊能潦倒雨裛紅蕖冉冉香
玉樽錦席高雲涼
酒酣耳熱忘頭白老儒不用尚書郎

江上今朝寒雨歇，
儵然欲下陰山雪。
山巔朱鳳聲嗷嗷，
白鵲翅垂眼流血。
老夫清晨梳白頭，
杖藜徐步立芳洲。
使我殘年但飽喫，
微軀此外更何求。

神仙中人不易得，
京中舊見君顏色。
同心不減骨肉親，
我居巷南子巷北。
佳人屢出董嬌嬈，
秋水為神玉為骨。
孤城此日堪斷腸，
既飽歡娛亦蕭瑟。

封書寄與淚潺湲，
童稚情親四十年。
離別不堪無限意，
斷腸分首各風煙。
仄鎖衡門守環堵，
聞道三年未曾語。

數篇今見古人詩更覺良工心獨苦

孫元忠寄示種竹詩戲以二十篇答

青錢買野竹持答翠琅玕
深栽小齋後幽事頗相關
自有煙霞質能令朱夏寒
引溜加灌溉毋令雪霜殘

冠蓋滿京華藩籬帶松菊
看君用幽意必種數竿竹
娟碧鮮靜窈窕一林麓
排悶強裁詩清文動哀玉

秋風楚竹冷倚杖更徘徊
想見陰山雪朱炎安在哉
自今幽興熟携手卧蒼苔
客居暫封殖臘月更須栽

賞靜連雲竹移因風雨秋我圃日蒼翠會心直罕儔若
人才思濶文彩珊瑚鈎新詩錦不如札翰時相投

幽偏得自怡種竹交加翠雨露之所濡成長容何易葉
密鳴蟬稠啁雀爭枝墜客思回林垆蕭疎外聲利

解榻秋露懸竹涼侵卧內幽姿可時覩密幹疊蒼翠况
乃回風吹低昂各有意長歎一含情洒落富清製

朱夏雲鬱陶種此何草草兒童汲井華頗亦恨枯槁寒
雨下霏霏滿眼顏色好臨眺獨躊躇山林跡如掃

古牆猶竹色真作野人居青雲羞葉密空翠撲肌膚寒
日外慘淡泠泠風有餘高齋坐林杪興遠一蕭疎

竹光團野草秀氣豁煩襟贈此遣愁寂蕭然靜客心枕
簟入林僻鳥雀聚枝深興趣江湖迫松筠起碧潯

琳琅愈青瑩綠竹半含籜霜露一沾凝秋風動哀壑才
名四十年晚就芸香閣江上憶君時風林纖月落

竹深留客處僻近城南樓眼邊無俗物浙浙野風秋主
人不世才老氣橫九州哀絃繞白雲清絕聽者愁

入門高興發而無人世喧叢篁低地碧疎林聽晚蟬衰
年旅炎方只想竹林眠安得騎鴻鵠飛去墜爾前

苔竹吾所好開軒納微涼望中疑在野景物洞庭旁秋
風亦已起洒面若微霜南客瀟湘外與君永相望

有竹一頃餘舍下筍穿壁新茁才出牆蒲歲如松碧蒼
蒼衆色晚歸鳥盡歛翼宇宙此生浮仰慙林間翮

竹皮含舊翠鳥雀滿膠枝冰壺動搖碧故作傍人低細
雨荷鋤立秋風獨杖藜老來性情靜不是傲當時

執熱何曾有亭午
減汗流風飄連野色
客意已驚秋
應接非本性
閉關人事休
瀟洒送日月
茲焉心所求

寒城朝煙淡
竹日靜暉暉
芊芊烟翠羽
羅列瀟洒姿
清風左右至
秋色有餘淒
日暮歸幾翼
鷓鴣在一枝

歛翕炎蒸景
汗踰水漿翻
淒淒自生涼
風竹在華軒
蕭摵寒籜聚
比公頭上冠
獨在天一隅
可望不可攀

密竹復冬筍
抽梢合過墻
明涵客衣靜
陰過酒樽涼
初月出不高
茂林延踈光
欣然淡情素
丘壑道難忘

卷二十七
碧色忽惆悵霜埋翠竹根
啾啾黃雀啁宅舍如荒村
侍婢艷傾城煥若靈芝繁
天寒翠袖薄染淚在叢筠

兩頭織織

兩頭織織半月眉半白半黑
對客碁膈膈膊膊拊翼雞
磊磊落落釘坐梨

兩頭織織婦梭半白半黑
雪沒靴膈膈膊膊鼓腹歌
磊磊落落金印多

兩頭織織棗子核半白半黑
紙上墨膈膈膊膊手趁拍

磊磊落落山頭石

兩頭纖纖柳葉書
半白半黑鷺間烏
膈膈膊膊失水魚

磊磊落落大丈夫

兩頭纖纖新採菱
半白半黑玉汙蠅
膈膈膊膊馬踏水

磊磊落落枝壓橙

五雜組

五雜組垂衣裳
往復來就桀湯
不獲已剪夏商

五雜組封社土
往復來使遼宇
不獲已拜陽虎

五雜組慶雲聚往復來東西渡不獲已再娶婦
五雜組花木春往復來江湖人不獲已議和親
五雜組錦繡段往復來隨陽雁不獲已猶仕宦
五雜組朝霞明往復來車馬行不獲已方用兵

寄芸叟

名藥

未老已前胡不歸何須斑白及衰羸
婆娑石上弄明月
卧看春風生桂枝

愁雲垂地黃映日疊嶂揜空青
照樓野菊花開秋又晚

便當歸去老滄洲

年過半百合歸去謹杜衡門深退藏衰白前途有多少
使君子細更商量

承芸叟寄示新詞一篇以此寄謝揚子云書亦有

色乎此亦書之色也

婦人名

綺羅敷色新出機嵩洛神秀鍾妙詞闕西子弟多習武
博學能文君最奇目中無雙成器早少小玉立誰瑕疵
天王后母親選擢抱道韞德將發施朝中議論太真樸

湖南威鳳翅小垂屈伸先後皆有數此理昭昭君自知
菱荷堆綠珠露冷蘭杜秋香風正吹征鴻南飛燕北去
晚去瀟湘君未歸

夜宴曲

名婦人

湘江紺碧玉照秋丹楓紅蓼君莫愁江上女兒花見羞
吾曹大家行樂休促席相虞美人出羽觴昨許飛瓊液
天明君醉苦相挽肯念奴家隔江遠流蘓小帳曲屈屏
留連子都忘之

原闕

七夕一首呈席上

名藥

琥珀杯濃酒未醇鬱金裙轉舞腰新鉛華第一人中白
歌響幾多梁上塵玉漏將沉香未斷銀潢雖遠志相親
合歡促席留君醉最苦參斜夜向晨

寄芸叟年兄

名藥

垂天雄翮搏海風窮高極遠志不同盛年折桂心未歎
磨刀水際思平戎西羌活擒偶失手天南星墮榔山中
未甘遂葬江魚腹當歸入覲明光宮何嘗僕射干薦舉

芸臺烏府選擇公蛟龍幽角老愈硬楸楠材格寒更濃
恥為歲粦要節目預知子不見從容川峽揭節建大戟
服紫腰金薄賞功暮年車轄徙荆楚江離搖碧水蓼紅
橘州橋口皆莽草賈傳井中苔已空我已衰白歛一郡
附子餘光聊養蒙嘗言早休乃良策倚空親想蓮花峯
請君先去采芝朮我續隨子棲蒿蓬水甘松香真勝境
雲滑石險多行蹤半天河漢傾瀑布自然銅吼聞霜鐘
董仙種杏人競取淵明石床蒼蘚封怡神麩蘖有妙理

禾收石斛歲屢豐林迥岩尤可徧溪間小橋橫木通
手捫松蘿攀紫葛清涼半夏如秋冬黃精久餌助冰雪
與君同作白頭翁

郡名詩呈呂元鈞五首

元鈞家成都洪秀稟天質紫微耀文米青鎖聯近密德
全無所累道在固不屈暮年徙江湖寓舍安蓬華種花
憐衛足養烏愛均一南軒幽興發北牖高卧佚福慶有
諸郎壽康踰七帙循環視天理一馬齊萬物我進亦隨

隨衰白紆郡紱屢聞曠達倫頓覺蒙陋失秋風吹楚澤
黃葉弄蕭瑟潭水凝練光衡門刻霜骨登樓足嘉景分
務饒暇日且復相從游新醅有梨栗

相人觀久遠要且視資質酒酸本多甘絹敗為少密公
家渭川後端亮氣不屈播移雖裔土寧安如舊華優游
歸孔聖坎壈笑趙一儻來等榮辱所遇順勞佚道閣接
談賓文房散書帙當其泰定時海宇更無物耳目并已
忘何心蘄冕紱忽聞韶曲奏更覺巴音失溫純比金玉

清越勝琴瑟似追少陵步真得建安骨從今益淬厲及
此舒長日唱酬安敢同心欽但齋栗

二帝本仁愛三王首忠質頗知周德厚不似秦網密平
生勇自信戈戟未易屈何嘗戀僭耳但欲返衡華詔條
甚明白宣布要齊一御衆莫若寬使民宜以佚古人貴守義
昭晰在緗帙公言屢見廣我惠慙及物河檀負廩稍梁
鵜譏印紱廬山須決去雲卧未為失瓊章屢起予鳳吹
雜瑤瑟芝蘭暗有香嵩華清見骨君開筆頭花我耀牖

中日九牛登巨鰲視我真蠻栗

南軒何靚深觸處皆野質簷間畫眉語砌下霜筠密小
牕任明晦一榻隨伸屈宿鳥聚樛枝涼蟬噪在華端居
得頤養誠意更精一夏闌體長健春至轉安佚鉛鼎熟
黃牙仙經橫縹帙和言不忤俗定力何轉物嗟我已龍
鍾江潭戀章紱塵中素袍化鏡裏韶顏失愛君詩思茂
雅奏合竽瑟愛君道氣成金石叢壽骨及瓜期尚遠發
藥容有日德爵齒俱尊登門但祇栗

呂公杞梓材自是棟梁質岷山岩谷邃蜀錦機杼密含
章同豹隱榮進異護屈興起自艱微敗席代門華揚庭
挺科兩許國操心一理財務廉約持憲從寬佚言動肅
以書絲綸蔚成帙瑣圍使遼土政府論儀物陳郡剖侯
封潞郊紆守紱今棲重湖外久矣齊得失高吟貽華莞
靜鼓雲和瑟知音曠寰宇自養融心骨冥鴻難遂去塞
馬有歸日會見促召還忻歡投棗栗

偶作

日月光天德山河壯帝居
太平何以報願上一封書

日影秋漸薄，月華寒更清。先生含江水，天色晚來晴。德微慙郡紱，山野拙將迎。河流彌淺峻，壯木亦凋零。帝子閔瑤瑟，居聞鶡鴒聲。太剛每忤俗，平進誰提衡。何為尚錄錄，以此思歸耕。報使掃舊華，願言嘿餘齡。上樓想羗廬，望烟冥冥封壤邈。千里書之寄餘情。